

Tito Brandsma Carmelita no Martir

EDUKASAUN

Anno Brandsma moris iha rai Olanda, iha provinsia Friesland iha 1881. Nia tama Ordem Carmelita iha 1898 no foti nia aman ninia naran Tito sai hanesan ninia naran relijiozu nian. Nia halo ninia profesaun dahuluk iha fulan Outobru 1899 no simu ordenasaun sacerdotal iha loron 17 Juñu 1905. Nu'udar akadémiku ida, Tito ninia área espesífika mak filozofia no mistisizmu. Nia ajuda estabese Universidade Katólíka Nijmegen iha 1923 no depois nia mos sai hanesan Reitor Magnífiku iha Universidade refere.

Iha tinan sira molok Funu Mundial ba Daruak nian, Tito hato'o kriteka públika kona-ba ideolojia Nazi nian. Durante okupasaun Olanda, nia defende Liberdade imprensa, li-liu imprensa Katólíka nian. Ema kaptura Tito iha fulan Janeiru 1942 no lori nia ba Kampu Konsentrasaun Dachau, tuir mai sira oho nia liu husi injesaun letal iha loron 26 Jullu 1942. Nia simu beatifikasaun iha 1985. Titus mak sei simu kanonizasaun nu'udar martir iha loron 15 Meiu 2022.



Tito ninia Edukasaun

Tito mak estudante ida ne'ebé komprende katak edukasaun iha válor ba ema nia moris. Nia lee livru oi-oín no iha interese partikular kona-ba literasaun no istória. Depois de tama Ordem Carmelita iha 1898, nia kontinua lee livru klean liu tan no hahú atu públika artigu sira. Nia hasai doutoramentu iha área filozofia iha Universidade Gregoriana Roma. Iha ne'ebá nia hasai mos kursu balu kona-ba sosiolojia moderna.

Edukasaun Katólíka

Tito reforma programa estudu ba Carmelita sira iha Olanda. Nia tau prioridade edukasaun ne'e ba leigu sira. Biblioteca, salaun lee no diskursu nian ne'ebé estabesidu iha Oss ne'e loke ba públiku. Liu husi Tito nia esforsu mak Carmelita ninia eskola rua sai eskola privada dahuluk iha Olanda hodi hetan apoiu husi governu. Nia harí Sindikatu Eskola Sekundária iha 1925, nia servi hanesan presidente ba sindikatu ne'e.



Dosente iha Universidade

Ema hili Tito sai hanesan Profesor Filozofia no Istória Mistisizmu nian iha Universidade Katólíka Nijmegen iha 1923. Iha 1932, nia sai *Reitor Magnífiku* iha Universidade ne'e. Tito ninia kursu sira husik hela impesaun ida ne'ebé *inesquecível* 'labele haluha'; nia efetivamente deskobre fila fali sira nia rai (nasaun) ninia espiritualidade. Tito ema ne'ebé laran dí'ak tebes, tan ne'e estudante sira buka bebeik nia. Nia buka fundu hodi fó bolsu estudu ba estudante sira ne'ebé kb'iit laek. Nia halo kriteku rigorozu ba Sosializmu Nasional hanesan parte ida husi ninia métodu hanorin iha universidade. Nia koñesidu hanesan ema ne'ebé ajuda nain: nia ajuda katuas ida hodi dudu katuas ninia karosa sa'e foho ida entre universidade no comunidade Carmelita nian, nia tau ninia pasta iha karosa leten hodi bele tulun katuas ne'e.

Vokasaun ba Mistisizmu

Tito sempre iha vontade atu hanorin ema kona-ba sira ninia vokasaun atu sai mistiku ida. Nia define mistisizmu hanesan *'uniaun especial ida entre Maromak ho ema, ema konsiente ho Maromak nia prezensa no sai ida de'it hamutuk ho Maromak.'* Tito komprende mistisizmu hanesan vokasaun ida ne'ebé mosu ba ema hotu no ko'alia kona-ba mistisizmu lor-loron nian, ho fiar katak Maromak mak fundamentu/sai fonte ba ita nia moris, ita bele hasoru Maromak iha fatin ne'ebé de'it, inklui iha ita nia viziñu sira. Tito nia diskursu kona-ba mistisizmu Carmelita nian ne'ebé nia hato'o iha Estadus Unidus iha 1935 mak verdadeiru klásiku kona-ba espiritualidade sékulu ruanulu nian.

Jornalista nu'udar Edukador

Tito haré jurnalizmu hanesan forma edukasaun ida. Ninia artigu sira ne'ebé asesível iha imprensa Katólíka mak efetivamente 'kursu badak' ne'ebé próriu.

Folozofia Edukasaun

Tuir Tito, buat ne'ebé importante mak edukador sira presiza atu respeita estudante idak-idak nu'udar individu: *'...ema hotu la hanesan no la kompatível ho konstrusaun ka ideia babain ida. Ser umanu, no atemezmu labarik, idak-idak iha ninia natureza/ karáter ne'ebé la hanesan no ida ne'e la tulun ita baihira ita hakarak atu haré diferencia hirak ne'e hotu. Ita presiza haré joven sira tuir sira ninia natureza.'* Buat ida ne'ebé importante ba Tito mak estudante sira presiza atu hanoin independentemente, hateten ba grupu ida: *'ami la hato'o/transmite koñesimentu filozófiku ba imi, maibé imi tenki dezenvolve uluk koñesimentu ne'e iha imi nia-an... Ami la obriga imi atu hatene lia lo'os ka koñesimentu kona-ba lia lo'os, ami enkoraja de'it imi nia vontade atu koñese lia lo'os ne'ebé mak subar hela iha imi nia laran.'*

Fo Rekursu ba Edukasaun

Tito konvensidu ba importansia rekursu di'ak edukasaun nian. Nia subliña nesiedade ba dezenvolvimentu profesional ne'ebé kontínuo ba manorin sira: *'situasaun ideal ba manorin sira mak dezenvolvimentu kontínuo ... manorin sira ne'ebé tuir ona formasaun ne'e bensaun ida.'* Tito iha preokupasaun partikular ida kona-ba oinsa atu suporta labarik sira ne'ebé mai husi familia kb'iit laek: *'tau atensaun ba labarik kb'iit laek sira iha eskola tanba ho ida ne'e mak domin lolós ne'e mosu.'*

Tau Matan ba Estudante Judeu sira

Tito iha responsabilidade ba estudante Judeu sira. Nia la tur nonok baihira estudante Judeu sira labele hala'o sira nia estudu iha eskola Katólíka. Alende ne'e, nia husu tuir karik iha possibilidade estudante sira ne'e bele hela hamutuk ho Carmelita sira iha Brazil.

Carmel nu'udar Eskola Mistisizmu

Tito uza imajen eskola ida hodi ko'alia kona-ba *'apostuladu mistisizmu Carmelita nian.'* Carmelita sira mak hanorin ema atu reza, ajuda sira atu komprende katak Maromak hatene no hadomi sira. Tuir Tito, Carmel hanesan eskola ida, *'eskola moris místiku nian'*, no nia insiste katak *'iha vida espiritual no vida babain, ita labele hases-an husi edukasaun, manorin sira no orientasaun.'*



Orasaun ba Tito Brandsma

Maromak ami Aman, ita nia atan, Santu Tito Brandsma, servisu maka'as iha ita nia to'os uvas no fó ninia moris livremente tanba nia fiar iha Ita Bo'ot. Liu husi ninia intersesaun ha'u husu ita nia laran sadia no tulun.

Padre Tito nunka rejenta baihira ema mai husu ajuda iha nia. Hodi ninia naran, ha'u mai ba Ita Bo'ot ho ha'u nia nesiedade sira ...

Na'i, tulun nafatin ha'u atu halo tuir fé ne'ebé bo'ot, domin ne'ebé jenerozu no espíritu ardente Santu Tito nian. Glorifika ita atan hanesan nia haka'as-an atu fó gloria ba Ita Bo'ot. Amen.

Maria, Carmelita sira nia Inan, Harohan mai ami.

Tito Brandsma, Mártir Karmelita, Harohan mai ami.



The Carmelites
Australia & Timor-Leste
PRAYER • COMMUNITY • SERVICE

For further information on Tito Brandsma please visit:
carmelites.org.au/titusbrandsma

f t t @CarmelitesAET